



Dos estremaos escanciadores de mesa: a la manzorga unu de presión y a la drecha otro llétricu de viaxe.

TAPONES ESCANCIADORES Y ESCANCIADORES PA CASA: NON, PERO SÍ

Non siempre podemos escanciar la sidre como nos prestaría facelo. Dalguna xente porque nun sabe, otros porque nun tienen tiendu y munchos porque dientro d'un pisu nun lo podemos facer si nun queremos estropiar la maera del suelu. Hai aparatos escanciadores de tribes mui estremaes que tienen una perbona utilidá pa usalos onde nun ye posible escanciar y somos munchos los que tenemos dalgún d'ellos.



El modelu de tapón escanciador más avezáu pa la sidre.

Viénnos la idega d'esti artículu, al rodiu los aparatos escanciadores pa echar la sidre en casa, d'una anéudota que mos pasare nel caberu viaxe que ficiéremos a Asturias pola Selmana Santa. Tábemos nuna sidrería d'Uviéu na qu'unos veceros que diben tomar unes botelles de sidre na terraza entrugaren si nel chigre teníen un pipiolu pa echar ellos mesmos la sidre. Al camareru, un mozu que nun sabía qué yera eso del pipiolu, tuvimos d'esplicá-ylo; tres lo cuál, y enforma profesional, retrucáre-yos que nun teníen esos pipiolos porque'l chigre ye una sidrería y los camareros son los escanciadores que-y la sirven a los clientes.

Nun sabemos si sedrá custión de la edá o d'estremaes fasteres y cultures, pero paez que los más mozos quiciabes nun sepan lo que ye un pipiolu y ehí ta l'orixe del artículu. Los que percorriren les estrades de Castiella hai cuantayá tienen conocencia del vezu de beber el vinu dende un porrón y cuando nun lu había usábase'l pipiolu, que yera un tapón, el corchu de la botella, trespasáu por dos tubos, dos payes de les de sorber los neños les bébores enfrescantes. Per un tubu entraba l'aire a la botella y pel otru xurdía'l vinu emburriáu pola presión del aire pa beber direutamente del chorrú de la botella.

Y eso ye mui asemeyao a otru tapón de los que va-



Tapón escanciador desendolcáu pa les botelles del llagar vascu Zapiain.

A los que vivimos nun pisu o los que nun saben o nun tienen pa escanciar nun mos queda otra qu'usalos

mos falar equí, el tapón escanciador pa les botelles de sidre, anque tamién vimos per internet qu'hai quien-y llama pipiolos a los escanciadores llétricos. Yá sabemos que la mayoría de la xente diz que nun-yos presten esos tapones, tampoco los escanciadores llétricos o los de bomba de presión que s'usen nes cases, nes fiestes de prau y fasta en munchos chigres. Masque tamién ye verdá qu'a los que vivimos nun pisu o los que nun saben o nun tienen man pa escanciar nun mos queda otra qu'usalos.

Hai estremaos tapones escanciadores. Los más conocíos son los tapones verdes con dos furacos nel cuellu del tapón, ún per ca llau, con dos solapes nel exterior, riba d'ellos, que faen que la sidre que sal de la botella vaiga escontra una de les solapes, topete y, en vede dir emburriao como nel porrón, caiga en vertical faza'l vasu, faciendo que fasta los que nun sepan escanciar puean facelo.

Hebo tamién, hai dellos años, una cosa que se ficie-



Les perconocios paxarines nun podien faltar en denguna folixa de prau.

Los escanciadores más afamaos anguaño son los llétricos, que furrulen con una batería y una pequeña bomba hidráulica

re afamada nes folixes de prau. Yera lo que se llamaba la paxarina, que nun podía faltar en denguna romería. Les paxarines son unos recortes de papel plastificao, en forma de cruz, impermeable, y con cuatro brazos, de los que s'espetaben dos d'ellos na botella pa que la sidre surdiera escontra un de los otros y cayera faza'l vasu. Con ellos tampoco nun había torga dala pa que pudiera escanciase.

Anguaño hai otros tapones escanciadores qu'usen dellos llagares d'Asturies ya Euskadi pa corchar les botelles y escanciar con ellos mesmos. Son tapones de dalgún material sintéticu y de más llargor de lo avezao, porque'l tapón, que tien l'estremu interior amozquetáu, cuando se descorcha pue volver a ponerse na botella, dexando dos furacos que faen fécile escanciar pa nós.

Pero nun son los únicos, la sidre vasco nun ye esautamente como la de nueso y nun fai falta escanciala dende tan alto. Por eso hai n'Euskadi dalgún llagar

que desenrolló escanciadores propios pa les sos botelles. Son escanciadores que yá tan espetaos dientro del bocal de la botella, non retornable, que vienen con dos furacos o cola forma d'una estrella que dexa espaciu pa la entrada l'aire y la salida de la sidre cola presión pa l'altura cola que s'escancia según el vezu del so país.

Otros escanciadores qu'atopamos nel mercáu son los de sobromesa. Ente ellos hai-los que furrulen con bomba de presión, seya con palanca o con bomba de pulsu, asemeyaos éstos en tamañu piqueñu a los que s'atopaben peles muries de dalgunos chigres. Nun-yos fai falta otra fuercia que la de nós, polo que son enforma práuticos ya económicos; y en dellos casos fasta se pue escanciar la cantidá de sidre que mos pete. Y si hai dalguna bomba que mos paeza curiosa ye una que viéremos fecha con unos tubos y una bomba de les denomoes de pera que podía llevála unu mesmu nel bolsu.

Los escanciadores más afamaos anguaño son los llétricos, que furrulen con una batería y una pequeña bomba hidráulica. Los diseños son bien estremaos, con formes discretas, nunos casos, y con figures de presones ya oxetos, n'otros. Pero si hai daqué que mentar ye qu'anguaño tamién se pue con ellos escoyer la cantidá de sidre que caún quiera sirvise al vasu nel so propiu escanciao. Quiciabes haiga que



Tapones de los llagares de Cortina (Asturies) y Saizar (Euskadi).



Tapón escanciador que s'alcuentra per muchos chigres.

falar d'una estremancia énte los de bomba de presión, y eso ye que faen un poco de ruíu, masque si son pa usalos en casa a ésto nun-y vamos dar más importancia.

Tolos escanciadores de los que falamos equí tienen la so utilidá pa sigún qué llugares y qué momentos. Fasta los vimos en dalgunes cafeteríes nes que tienen sidre, pa que'l veceru puea escanciar ensin

chiscar nel suelu, y el propiu autor tien estremaos escanciadores pa cuando tien d'escanciar nel comedor de la casa na que vive o pa cuando va de viaxe a percorrer otres fasteres nes que nun s'entiende que se puea chiscar demientes se ta escanciando. Y nun mos paez mal tenelos porque en delles vegaes puen ser pa nós un perbon gabitú.



Testu y Semeyes: Donato X. Villoria



El valor del agricultor

Legumbres **Frutos Secos**

Arroces ECO Semillas

Pastas Encurtidos

Codiflex Alimentación Tradicional S.L.

 **Llámanos**
985 669 033

caminastur.com 





